



Es wird schier der letzte tag her kommen / den die bosheit hat sehr zu ge-



nommen / was Christus hat vor gesagt das wird ih beklagt.

Es wird schier der letzte tag her kommen / den die bosheit hat
sehr zugenomme / was Christus hat vorgesagt / Das wird
ih beklagt.

Der abfall vom glauben wird erfahren / das er sey geschehe
vor langen jaren / wie Paulus der fromme Man / klerlich zeis-
get an.

Der verdampfte Sohn hat lang gefessen / in dem Tempel
Gottes hoch vermessen / sich gerümbt vnd sein gebot / gleich als
wer er Gott.

Viel falsche Propheten sind erstanden / ja noch Kotten vnd
Secten fürhanden / die mit ihrer that vnd lehr / der Welt scha-
den sehr.

Weil vns nu der Antichristisch orden / durch Gottes wort of-
fenbar ist wordē / so last vns fliehen mit fleis / seine lehr vnd weis.

Last vns in den bund des HErrn treten / vnd darinnen stets
wachē vnd beten / den der letzte tag geht her / kömpt vns jmer mehr.

Die welt mehret sich in Sünd vnd thorheit / vnd trachtet zu
dempffen Gottes warheit / Der HErr wirds lassen geschehen / ihr
also zusehen.

Aber: